

La doturia Grete Mahlknecht é demez dai 14 ai 18 d'otober y vëgn sostituida dal dotur Eduard Agreiter 333 13 80 852.

En vëndres 11 d'otober él na proa d'alarm dales 10.00 ia, al sonará dotes les sirenes por n menüt alalungia. La proteziun zivila dla provinzia ó sensibilisé la popolaziun y la fá sterscia y arjignada sc'al foss n caje de gran prigo. Ci él pa da fá te n te caje: Jí te ciasa, stlúje les portes y les finestres, destodé la areaziun dla ciasa, impié radio o televijiun y mantigní les indicaziuns.

SAN MARTIN

La ploania da S. Martin tēgn la Festa di Maridá lubilars la domēnia, ai 13 d'otober. Düc chi che é 10, 15, 20, 25, 30, 35, 40, 45, 50, 55, 60 agn maridá é bel invíá ala Gran Mëssa y a n pice aperitif tl salf di stödafüch.

La Uniun di Seniors San Martin-Antermëia invíëia düc i seniors la sabeda di 19 d'otober da gní a ti ciaré al Volkskundemuseum a Dietenheim y dedô a marëna sö dal Kofler am Kofl sura Falzes. Le cost por museum y marëna é de 15 euro. An pëia ia dales 9.00 dan la Cassa cun i auti privac. Anunziessa cina le dedemesaledema, 16/10, pro Alfred 333 36 54 786.

LUNGIARÜ

Le consëi di jogh da Lungiarü invíëia düc dër bel ala festa dla Segra ai 12 y 13 d'otober tl tendun scialdé, olach' al sará sides la sabeda sëra co ince la domēnia do mëssa aurela cörta por pici y gragn y de buna spëisa.

La Uniun KVW da Lungiarü y le consëi de formaziun San Martin invíëia ères y ëi a trëi sères de ginastica por prevenziun dl mé de spiné y osteoporosa: le mertesc 8, 15 y 22 d'otober dales 19.30 - 20.30 cun la fisioterapista Albina Pescoller tla palestra a Lungiarü. Cost: 30 € por i mëmbri dl KVW da Lungiarü, 36 € por i atri. Iscriziuns pro Annamaria al nr. 338 73 75 305.

La ploania da Lungiarü tēgn la Festa di Maridá lubilars en domēnia, ai 20 d'otober. Düc chi che é 25, 30, 35, 40, 45, 50 y dessura agn maridá é dër bel invíá ala Gran Mëssa dales 8.15 . - Chësc avis dess valëi sciöche invit! Präibel confermede osta presënza don dant l'inom cun n message a Christian 389 29 00 000 o mail clara.christian20@gmail.com cina en vëndres, ai 11 d'otober.

Le consëi de cöra organisëia en la segra da Lungiarü na Lotteria ola che le davagn vâ a bëgn dla dljial Por l'ocajun periassun dër bel sc'i metesses a desposiziun val' pesc che pó gní dá jö en mertesc, ai 8 d'otober dales 17.00 ales 19.00 te calonia (soné pro don Marco) o da Hubert, Ghestan, cina en mertesc dales 19.00! Damperfora dilan de osc aiüt. *Le consëi de cöra.*

Le Sorvisc ai Jogn Val Badia invíëia

en mertesc 08/10 - 19.00-20.30: „Kindliche Sexualität sicher und wohl-fühlend begleiten“ cun Petra Massardi tl Istitut Ladin a San Martin

en mercui 09/10 - 19.30-21.00: „Quando il cibo diventa un'ossessione“ cun Raffaella Vanzetta. Online sön ZOOM. Le link gnará publiché n valgügn dis dan le referat sön i profii social y la plata internet www.jogn.org.



unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
redaziun: anton.gasser@rolmail.net - 348 27 44 517 / 0474 523 194

06.10 - 13.10.24 n. 45


termo por comunicaziuns: jöbia, dales 20.00



27^a DOMÈNIA IA POR L'ANN B

Vangele do san Merch 10, 2-16

Al ê gnü farisês da Gejù y l'à damanè: Po n èl desgorje süa fomena fora dl matrimone? Cun chësc orôti ti mëte na tënora. Al ti à respognü: Cî ves à pa Mosè scrit dant? Ai à dit: Mosè à conzedü de scrì n at de despartiziun y de la lascè jì. Gejù ti à respognü: Mâ deach' i sëis tan dürs de cör, ves àl dè chësta norma. Tl scomenciamënt dla creaziun i à Idî cherié sciöche èl y ëra. Porchël arbandonarà l'èl pere y uma, y i dui sarà öna na cern. Insciö n'ési nia plü dui, mo un. Porchël ne dess le chestian nia despartì cî che Idî à lié. A ciasa l'à i discepui ciamò n iade damanè de chësc. Al ti à respognü: Chël che desgorj süa fomena y nen marida n'atra, rump le matrimone cun süa fomena. Ince na ëra rump le matrimone, sc'ara desgorj so om y nen marida n ater.



Le teologh Pinchas Lapide á scrit n pinsier dër significatif "I podun tó la Bibia ala parora o söl sciode - trames les cosses adöm ne vára nia."

Chësta pó ester na manira da interpreté tesç vedli.

Nos orun tó la bibia dër söl sciode. Tla resposta ala domanda di farisês, sce dui maridá pó se despartí, pënsa Gejù dantadöt ala responsabilité che les porsones á defrunt a d'ères y defrunt a Chël Bel Dî, te süa vita, te so matrimone y por sü mituns.

Gejù pënsa te döt ci ch'al dij, fej y nes aconsiëia ala responsabilité ch'i un. Chësc é le contignü de süa noela ch'i messun tó söl sciode: l'invit da ne vire nia da menefreghisç y da ne ponsé nia ma a nos instësc, sides ch'i viun da susc, co da maridá. Ci ch'i fajëis, fajedele cun responsabilité dan da Idî; y i lominarëis y viarëis.

Michael Becker

EDEMA - B	SAN MARTIN	LUNGIARÜ	D'ATRES INFORMAZIUNS
06.10.24 26ª DOMËNIA - B <i>15.00 a Badia Prozesciun</i> <i>cun Chël Bel Dî da La Crusc</i>	<i>De dla Jënt Atempada dla Ciasa de Palsa</i> 9.30 Gran Mëssa tla Ciasa de Palsa <i>ciantada dal grup de mitans "CorUsc"</i> en onur di Agnui Custodi + Maria Pedevilla, dl ann (don Marco)	7.50 Corona 8.15 Gran Mëssa por la comunité + Albert Daverda + + Castlunger y Mailänder	L'atra edema, dai 13 ai 20 d'otober tignunse l'Edema dla Fede, a chëra che duc é bel inviá da tó pert. Tl'injunta ala plata ciafëise le program. Invit al curs de autodefenüda personala cun l'istrutur Luigi Bellotto, en lönesc ai 14 y 21 d'otober dales 19.30 ales 21.00 tl local di stödafüch a San Martin. Iscriziuns cina en sabeda ai 12 de otober; le curs costa indöt 10 euro. Prenotaziun cina en sabeda 12 d'otober por telefon 339 31 15 679.
07.10.24 <i>S. Maria dl Rosare</i> Lönesc			Invit al curs de autodefenüda personala cun l'istrutur Luigi Bellotto, en lönesc ai 14 y 21 d'otober dales 19.30 ales 21.00 tl local di stödafüch a San Martin. Iscriziuns cina en sabeda ai 12 de otober; le curs costa indöt 10 euro. Prenotaziun cina en sabeda 12 d'otober por telefon 339 31 15 679.
08.10.24 <i>Scimun, Laurënzia</i> Dedolönes	8.00 Mëssa + Paula Hofer	16.00 Corona tla capela S. Ojöp Fr.	Domisdé de informaziun: 40 sorvisc, istituziuns y associazions sará presëntes tl gran salf a San Martin en sabeda ai 12 d'otober dales 13.00 ales 17.00 por dé informaziuns tl ciamp sanitar, sozial, di jogh, di seniors. Dër na buna ocajun da s'informé söl post zënza messëi jí dalunc. Duc è dër bel inviá.
09.10.24 Dedemesaledema <i>Dionise, Sibila</i>	18.00 Corona d'otober	7.30 Mëssa por fam. Stefo Moling + Angela Prousch Schanung + Sepl Clara, Sanví dedô Corona d'otober	La biblioteca Sas dla Crusc inviëia en mertesc ai 8 d'otober dales 15.00 tla biblioteca a San Martin a n domisdé cun stories, pastelné y jüc por mitans y mituns dla scora elementara.
10.10.24 <i>Daniele Comboni</i> Jöbia			Stress - ein Stolperstein oder ein Baustein“, sot a chësc moto orunse s'incunté en sabeda ai 12 d'otober dales 10.00 a Castalta jon sö La Crusc. Al s'acompanëia Christl Fink cun impuls fora dla Bibia. Düc/Dötes che gniss ion dess präibel s'anunzié pro Renate Pescolderung 338 13 00 787.
11.10.24 <i>Giovanni XXIII</i> Vëndres	18.30 Adoraziun chîta 19.00 Adoraziun deboriada		Le KVV La Ila inviëia al peregrinaje a Marienberg ai 9 d'otober. Info y prenotaziuns cina insnöt 6 d'otober pro Hubert Pizzinini 33916 98 343, poscibilmënter por WhatsApp. Le iade cun marëna costa 60 € por i scric ite y 70 € por i atri.
12.10.24 Sabeda <i>Maximilian, Serafin</i>	18.30 Mëssa prefestia en onur di Spirit Sant + + Paul y Frida Vantsch		Le KVV La Ila inviëia al peregrinaje a Marienberg ai 9 d'otober. Info y prenotaziuns cina insnöt 6 d'otober pro Hubert Pizzinini 33916 98 343, poscibilmënter por WhatsApp. Le iade cun marëna costa 60 € por i scric ite y 70 € por i atri.
13.10.24 26ª DOMËNIA - B	<i>Festa di Maridá Iubilaris y dla Racoiüda</i> 9.30 Corona por vocaziuns (siur Klaus) 10.00 Gran Mëssa por la comunité de rengraziamënt + Loise Ploner Unterweger + Maria Unterweger, dl ann	<i>Festa dla Segra da Lungiarü</i> 7.50 Corona 8.15 Gran Mëssa por la comunité dl ann + Nando Clara dl ann + Nisio Clara + Simone Mischi, Pecëi	----- I periun do l'intenziun dl Papa tl mëis d'otober I periun che la Dlijia sighthes da sostigní de vigni vers na manira de vita sinodala tl sëgn dla coresponsabilité, promoion la partezipaziun, la comuniun y la vocaziun deboriada danter i proi, i conventuai y les porsones laiches.
EDEMA DLA FEDE - 13 - 20 d'otober 2024 Domënia 13/10 dales 16.00 - sö Oies Mëssa de daurida dl' Edema dla Fede Lönesc 14/10 dales 20.00 - San Martin, tl Istitut Ladin Musiga y fede cun Agnes Irsara Mertesc 15/10 dales 20.00 - Al Plan, salf manifestaziuns Natöra y fede cun don Rinaldo Ottone	Jöbia 17/10 dales 20.00 - La Val, salf manifestaziuns Leteratöra y fede cun Carlo Suani Vëndres 18/10 dales 20.00 - La Ila, salf dla Raika Ert y fede cun Danila Serafini Domënia 20/10 dales 16.00 - San Martin, te dljia Conzert de conclujiun cun i cors de dljia da San Martin, La Val, Corvara y La Ila		